

2
ORATIO AD SE-
reniss. Angliæ, Franciæ, &
Hybernæ Reginam Elisabetham,
in Aula Woodstochiensi habità

Laurentio Humfredo, Academiæ Oxo-

nienfis Procancellario, anno

1575. Septemb. II.



LONDINI,
Typis Henrici Binnemani,

impensis Georgij Bishop.

1575.



Coelum & terra præteribunt, ver-
bum autem Domini manet in æternum.

Dictum Christi Mar. 13. Symbolum Ducum

Saxoniz & GEORGII Marchionis Brandebur-
gensis, paraphrastice & metricè explicatum,



Omnia transibunt, tellusq, polusq, liquefcent,
Mundi pompa, decor, gloria, πάντα σκιάι.
Omnia transibunt, reges & regna peribunt,
Vires, castra, viri, sæmina, πάντα πνοῆς.
Omnia transibunt, hominum sapientia, lingua,
Scripta patrum, canones, iuraq, πάντα λόγοι.
Omnia transibunt, ut fabula, pulvis, & umbra,
Nil fidum aut fixum est, denique πάντα κόνις.
sermo DEI vivax, omni floreſcis ab auro,
Hic erat, est, & erit, cetera πάντα νόμος.
sermo DEI vivax, flammæ furiasq, refundit,
Infringit Stygij tela cruenta Dei.
Dux patriæ, comes est vita, post sæcula iudex,
Lex morum, fidei lux, via, norma, salus.
Hoc cape, semper ama, sic te redamabit IESVS,
Fulciet imperij regia sceptræ tui.
Hoc cape, dat CHRISTVS, nam Christi ferrea virga est,
Qua mundum frenat comminuetq, DEVS.
Hoc cape, sit cordi, sit cura, sitq, voluptas,
Hoc cape, crede, sime, perlege, vine, V A L E.

Maiest. tuz subditis.

Laur. Humfredus.

Carmen eiusdem *L. H.* eucharisticū
 & paræneticum de initio regni *R. Eli-*
sabethæ, & de auspicijs. anno decimo octauo
 Nouemb. die. 17. &c.



*N*ostra parens quondam varijs iactata procellis
 Insula, turbinibus senis ac fluctibus acta,
 Anglia, post æstus rerum motusq; suarum
 In portu, Christo ventos sedante, quiescit.
 Ille regit terras, & rerum flectit habenas:
 Ille pias lachrymas pacata exaudijt aure,
 Luctificos gemitus, mæsti & suspiria cordis.
 Ille tulit Mariam (nunc parcam mortuæ) amaram,
 Diuinis donis saturam dedit ELISABETHAM:
 Post tenebras lucem dedit, & post nubila solem.
 Illi omnis sit honos, laus & benedictio soli.
 O metamorphôsis grata, ô mutatio fælix:
 Te Deus elegit solus, REGINA, ministram:
 Hic te sublimem promexit honoris ad arcem,
 Vnxit, constituit, Caput & Diademate cinxit.
 Ille tuum solium fulcit, firmatq; Coronam,
 Ille tuæ solus produxit stamina vita,
 Bisq; Nouem tibi iam Regnum stabiliiuit in annos,
 Iamq; nouus redijt (Domino volente) NOVEMBER.
 Non opus hac hominis, non Papæ chrisma manûsue:
 At manus, at digitus Domini, cui gloria detur:
 Illi omnis sit honos laus & benedictio soli.
 Perge age, Virginei Lumen Splendorq; decoris,
 Cur sceptrum teneas, quis te præfecerit Angliæ,
 Cur sic Imperij cursum tot proroget annos,
 Specta, quôq; vocat, generosa mente sequaris.
 Vt te glorificat, sic glorificabis & illum,
 Quò magis ille tuum Nomenq; dièsq; peremes.
 Per te lustrari templum vult, puraq; sacra

Restitui, castamq; fidem, cultusq; probatos.
 Italici Augia stabulum foedamq; cloacam
 Per te purgari, Romanaq; σκύβαλα colli.
 Non plures diuos, sed Numen precipit vnum,
 Vno more suo, sancteq; piq; colendum.
 Omne ferat punctum pietas, ac Christus Iesus;
 Ille ferat primas partes, ferat ille secundas.
 Pulpita, templa, domus crucifixi nomen adorent.
 Non docet hunc Latia cornutus Iuppiter Aula,
 Qui Missas, Bullas, qui Purgatoria vendit,
 Nimirum fumos, gerras, mera stercora, nugas:
 Hunc cum reliquijs ac tota face repelle.
 Christo omnis sit honos, laus & benedictio soli.
 Suspectus tibi sit cacodoxus vertice rufus,
 Purpurea volitans palla, Romanus alumnus,
 Carninora miserum deglubens fauce popellum.
 Occultos depelle lupos, has comprime pestes.
 Quisquis pascit oves, ouibus prapone magistrum,
 Pastorum fucos sacris ab ouilibus arce.
 Iustitia fulciso thronum, fratresq; tuere,
 Ac defende bonos, misero succurre roganti.
 Supplicis ipsa preces audi, nec despice causas.
 Si tu conuies, dormit sapissime Iudex.
 Oppressos recrees, insuetaq; vulnera sanes.
 Proderit hic multum sanctus fidusq; Senatus,
 Qui Christum spectet, qui Regnum, qui tua curet,
 Et Christo sit honos, laus & benedictio soli.
 Leges ferre bonas, latas vrgeri memento:
 Plurima nam condi. seruari pauca videmus.
 Lapsis indulgere pium: calcare iacentes
 Durum: praefractos non vi, sed vincito verbo.
 Vis mitratorum est: verbi victoria pulchra.
 Non vult Relligio cogi, ratione doceri
 Vult: flecti possunt homines frenoq; teneri.
 In Capitolino scriptum memorabile fertur,
 Victis parce: tamen subiungis, Frange superbos.

Vt sit iuncta comes iusta clementia pena.
Praefice muneribus doctos rerumq; scientes,
Quos diuus vna descripsit imagine Moses,
Ne rudis vndosam peruertat nauita puppim.
Sint stipatores, quos Psalter regius edit:
Ille tuam proprijs depingit maribus Aulam.
Vascer, detractor, mendax, elatus, iniquus,
A sacrosancta Davidis truditur Aula.
Ne tua Gnathonum colluvis recta subintret.
Ambitione furens reprimatur caeca cupido.
Virtus non vitium commendat Principio Aulam.
Exornare Scholas sit cura potissima Regum:
Fontibus his liquidis Respub. tota rigatur.
Artes nutrit honor, doctas mercede fouebis,
Tuq; tuo exemplo discens & docta, mouebis.
Sed quid ego doctam doceo? Te consule solium,
Quodq; domi tua mens sapiens tibi suggeris, audi.
A te non hominum reuocant te lubrica morsa:
Absit vt humana sternant te brachia carnis.
Ne metuas hominem: Deus est, soliumq; timendus
Christo omnis sit honor, laus & benedictio soli.

O Pater arcitenens, rerum tu suscipe curam,
Consilioq; tuo muliebre diuigilem mentem.
Da plenus Christi ferri sacra nuntia vni:
Da tua fundantur passis amacula velis.
Sicq; renascentis solidas fundamina Regni,
Vt stent ac maneant nullis quassata periculis.
Serua REGINAM plures vt florent annos.
Aurea longa pie nobiscum saecula viuat.
Sic nos ex animo laudes ac vota canemus,
Iustitiasq; tuas omni celebrabimus auro,
Summe Deus, quem terra colit, quem sidera cantant,
Cui debetur honor, laus & benedictio soli.

¶ Pro Regno Angliæ, R. Maie-
state, Consiliarijs, Ministerio, Lau-
rentij Humfredi Precatio.

O Deus altitonans Mundi Cæliq; Monarcha,
Qui mare, qui terras, infera quiq; regis:
Prospice de cælo, Regnum spectato Brytannum,
En nunc conflagrant spesq; metusq; simul.
Quid non speremus, quid non timeamus amantes?
Spes, metus, huc illuc, hæc vocat, ille trahit.
Anglia cincta mari est, circumfluit undiq; pontus,
Est spes nonnullo concomitata metu.
Hactenus afflauit Zephyrus, fuit aura secunda,
Spes est: mox portum, qui bene soluit, habet.
At mare fluctifonum est, Syrtes, Pirata, Charybdis,
Saxa latent, scopulos nolle timere, furor.
Hæc, hæc vita mare est peramarum, nauigas omnis,
Qui viuit, sperat plurima, multa timet.
Nunc mare sulcamus, mare nunc ingressa Carina est,
Flatibus affires, ô bone Ioua, bonus.
Sis prora & puppis, nostra sis ancora nauis,
Et peregrinantis dirige vela ratis.
Suffice nunc doctos qui clauum rite gubernent,
Ne ruat in tumidas naufraga puppis aquas.
Præfice ductores populo, verbisq; ministros,
Ne desint ouibus pabula sana tuis.
Tales falce secas: tamen vt noua plantula surgat,
Annue, succrescant germina sancta precor.
Ampla tua est bonitas, grauis at maledictio nostra,
Culpe pœna comes, sic meruere mala.
Consilium Regale fove, sacrumq; Senatum,
Qui semper Christi flagret amore tui.
Quod clemens pater es, speramus: deinde timemus,
Quod iustus iudex atque severus eris.

serua Reginam Pater, ô mitissime serua,
 Vt tua sis semper, sis quoq; nostra diu.
 Famineamq; manum dextra fulcito potense,
 Ne quasset teneram Scylla maligna ratem.
 Auspice Reginâ diuinum Manna dedisti,
 Spes est, at causa est nausea nostra metui.
 Floret Religio, spes est: sed marcescit in horis,
 ¶ Est metui: hanc solum labra librisq; sonant.
 spes est, quandoquidem regnat lectissima princeps,
 At quia mortaliu, iam subit ecce metui.
 Regnat iam prudens Princeps, sed femina regnat:
 Viribus haud orba est, spes: metui, orba viro est.
 O virgo ELISABETH, Phœnix et gemma regentum
 O flos, ô patrij stella docusq; soli,
 Heu cur non liceat semper producere filium?
 Heu cur non semper viuere fata sinunt?
 Heu fera Parca rapit procures, non parcere cuiquam,
 Nouit, prada huic Crassus & Iru erunt.
 En fuit, en non est Babylon, nec Persica pompa,
 Nec Græcum imperium, nec Latialiu hanos.
 Spes est quod fuerint, sed nunc non esse, timendum:
 Spes est, esse quidem, porro fuisse malum.
 Quod valet & viuic, tua magna potentia sola est:
 Si moritur, nostrum est promeritum atque scelus.
 Quod populo præsist, quod sit, iam spera, sed oro
 Vt semper iubeas esse, vel esse diu.
 O vtinam viuas, viuas, serò vt moriatur,
 Mortua post viuas, ne moriatur, Amen.



Errata quæ hic occurrunt,

partim præcedentia partim sequentia, sic corrige.

*I*olio. 1. Pagina. 2. linea penultima, pro peremet, lege perennet.
Pagina sequenti, linea. 11. pro fumas, lege fumos. Fol. 7. Pag. 2.
linea. 13. pro exorcysmo, lege exorcismo. Fol. 9. pagina. 2. linea
10. pro (pròh dolor) lege (prò dolor). Ibidē, pro inodactiore, lege
indoctiorem. fol. 12. pag. 1. lin. 7. pro Camerinas, lege Camarinas.
Pag. sequenti, linea. 17. pro Nòrunt, lege Norunt. Fol. 16. pag. 1.
linea. 8. pro quisq, lege quisq. pag. sequenti, linea. 1. pro Con-
stantini, lege Constantinus. Fol. 17. pag. 2. linea. 8. pro erga,
lege erga. linea sequenti, pro qualamcunq, lege qualemcunq.

Excusum & finitum Londini, anno regni
Elisabethæ. 18. Nouemb. 17.
die Coronationis.

[The page contains faint, illegible handwriting.]

THE UNIVERSITY OF CHICAGO
LIBRARY

Ad serenissimam Angliæ,
Franciæ, & Hybernæ Reginam
Elizabetham, &c.



LOQVAR an si-
leam (Princeps sere-
nissima) plures &
graues causæ faciunt,
vt nonnihil addubi-
tem. Silere monent &

etiam mouent cogitatio imbecillitatis
meæ, splendor Maiestatis tuæ, aurium
nostrorum hominum deliciæ. Neq̃ e-
nim ego sum ita à naturæ aut literaturæ
præsidijis instructus, vt cogitationes meas
quales quales sunt satis digna orationis
gratia & venere exprimere valeam:
maximè verò quia triennium abhinc po-
litissimis auribus tuis obstrepentem me
sermone nimis prolixo non molestè audi-
uisti, eundem actorem, eodem loco, eodem

Causa cur
tacendum.

B.

ferè

ferè anni tempore, eandem personam induere, eandem fabulam tractare, videbitur fortassis absonum. Crambem qui bis coctam apponit minister, mortem apponit, & qui eadem oberrat chorda citharædus, ridetur, & qui sæpe prodit in scenam histrio, tandem exploditur, & qui eandem semper incudem tundit faber, odiosus est, & coccysmus seu cuculi cantilena audienti insuavis est, & mel ipsum, ut est in Epigrammate, si nimium est, ingratum est: quippe grata nouitas, iucunda & rerum & personarum varietas, molesta satietas. Itaque verendum mihi est, ne secunda hæc non meliora, ut est in prouerbio, sed ne posteriora deteriora iudicentur. Terret quoque Maiestatis tuæ etsi serenus, attamen regius aspectus: non est tutum leonem radere vigilantem, aut excitare dormientem: periculosum dicere aut scribere in eum, qui poterit proscri-

proscribere : loquendū cum Alexandro,
~~ut autem in utroque aut~~ aut minimè aut mollis-
simè, ut admonuit Calisthenem ad Aulā
proficiscentem Aristoteles. Procul (in-
quiunt) fuge à Maiore, procul à Ioue,
procul à fulmine. Postremò aures auli-
cæ his temporibus nonnunquam Atticæ
sunt, quas (antequam iuuare possis) pur-
gandas esse & sanandas dixit Orator
Atticus Demosthenes. Nam hodiè
quisquis dicit, quot auditores, tot ferè
Censores habet, quorum alijs in materia
alijs in forma, alijs in verbis alijs in re-
bus peccare, alijs in sensu alijs in gestu
offendere, alijs timidior alijs audacior,
alijs longior alijs breuior, alijs frigidior
alijs ardentior, alijs blandior si laudat,
alijs asperior videbitur si monitor esse
cœperit. Equidem his de causis nunquā
huc ad dicendū perPELLI facile potuissē,
nisi ex altera parte aliæ rationes præpō-

3
Causa cur
dicendum.

B.ij. deraſſent,

derassent, & quodammodo refugien-
tem pertraxissent: nisi inquam summæ
humilitati meæ amplissimi Cancellarij
nostri singularem gratiam (cuius vo-
luntati parere æquum est, autoritati
cedere necessum est) nisi Maiestati tuæ
magnæ placabilitatem tuam maximam,
nisi tacitis hisce obiectionibus auditorum
meæ conscientiae testimonium quasi mu-
rum abeneum opposuisssem. Quid? an
gratulari est semper adulari? Nunquā
profectò mihi placuit Gnatonismus, nec
è diuerso Momismus, ut vel Principum
auribus dandū, vel ut eas sine causa sine
crimine offendendas temerè censeam.
Gnatonis oratio gladius est, sed melle
perlitus: Momis oratio gladius est, sed
furiosi hominis manibus commissus, ut
præclarè aliquando respondit in Mo-
nachum pro concione petulanter debac-
chantem A uis tuus honorandæ memo-
riae

riæ Henricus septimus. Quid? an alij
 omnes subditi tui, nobiles ignobiles, ma-
 gistratus priuati, ciues cathedrales, aut
 Poesi, aut plausu, aut precibus, aut epu-
 lis, alijsuè honorarijs aduentum tuum
 excipient? an iaculādo, hastas vibrando,
 equos insiliendo, concursando, alijsq̃ si-
 gnificationibus eximiae cuiusdam volup-
 tatis suam in te obseruantiam declara-
 bunt? an Syluanus aues, Neptunus pi-
 sces, Pomona fructus, Ceres fruges,
 Bacchus vinum, Syren iocos, Mars
 certamina, Apollo musicam, Diana fe-
 ras, Gandina spectacula, omnes dijdeæq̃
 omnia ludicra dabunt, (liceat enim
 quæso fictis Deorum poeticorum nomi-
 nibus rem in hoc progressu tuo verè ge-
 stam repræsentare) & Minerva nostra
 nihil exhibebit? & musæ nostræ Oxo-
 nienses in his faustis omnium acclama-
 tionibus, ouationibus, triumphis, in hoc

Spectacula
 Kenelwor-
 the sine
 Killing-
 wortha, &
 Woodsto-
 kia exhibi-
 ta

B. iij. communi

communi Anglorum gaudio tanquam
ranae Seriphiae solae obmutescant, & vo-
cem nullam edent? Imò verò adsumus
primum oraturi, ut Christus Sator &
Servator noster vitam tibi prolixam,
imperium securum, domum tutam, exer-
citus fortes, Senatum fidelem, populum
probum, orbem quietum largiatur:
Constantinae nostrae, Augusta nostrae
REGINAE, Consiliarijs multi an-
ni, Orthodoxos custodes fidei, propugna-
tores Ecclesiae protege Domine, **E-**
LIZABETHAE regnum in sae-
culum permaneat. Hanc enim anti-
quam precationem Tertulliani aetate v-
sitatam, & istam alteram in generalibus
Concilijs pro Regibus & Reginis rece-
ptam libenter usurpo. Adsumus deinde
gratulaturi, quòd Deus Opt. Max. te
nobis restituerit, & in hoc Woodstocki-
ensi palatio saluam & incolumem ite-
rum

rum collocarit. Hanc felicitatem Reipub. nostræ gratulamur, hinc præpotenti Deo immortales gratias, ut par est, agimus. Cur enim non gratulemur? Arcanum Regis celare pulchrum est, at Dei opera prædicare gloriosum, inquit Solomon Paræmiastes. Solomonem hoc loco non sine causa nomino, quod Solomonicum regnum diuini numinis beneficentia instaurari & reuocari video. Solomonem præcelluisse omnes sapientia, Solomonem domum Dei ædificasse, Solomonis ut nomen sic regnum pacatum extitisse, & propterea ad eum visendum omnes undique confluxisse Sacra Scriptura commemorat. Nos vero huius tanti concursus, & gratulationis omnium tuorum, si non has easdem causas subesse intelligimus, stupidi, si non animaduertimus, dissoluti, si non agnoscimus, in te, in patriam, in Deum ingrati merito sanè habeamur. Etenim nisi causas scimus,
nihil

nihil scimus, & tum demum officium
facimus, quando cur fiat, rationem pro-
babilem reddimus, & tū sapimus, cum
causas cognoscimus, &

Felix, qui potuit rerum cognoscere causas.

Itaq; cum nostro omnium bono pectus
tuum prudentiæ, pacis, pietatis amore
supra quam dici potest diuinitus inflam-
matum nostrum nemo non experiatur:
hæc tria beneficia, & diuinæ benigni-
tatis erga nos luculenta documenta, &
Solomonica & tuæ gubernationis sem-
piterna monumenta patere me, ELI-
ZABETHA Principum decus,
breuiter attingere, quò nos omnes ad
prædicationem gratiæ, quam referre
nunquam possumus, magis ac magis ex-
citemur, & posteritas habeat quod in-
tueatur & admiretur, utinam etiam æ-
muletur & assequatur.

I ERGO prima illa nostræ gratu-
lationis

lationis causa, & primum Dei præpo-
tentis beneficium est omni prædicatione
celebrandum, quòd Reginam literatam,
& multiplici cognitione artium, lingua-
rum, rerum humanarum ac diuinarum
egregiè dotatam præfecerit, quæ sciat,
ignorantiæ maculam in omnibus fœdam
esse, in Principibus fœdisimam: de har-
monia nullum surdum, de coloribus nul-
lum cæcum, de quæstionibus fidei nul-
lum imperitum posse incorruptè iudica-
re: quæ intelligat, hac literarum tinctura
& cultura ipsam nobilitatem magis no-
bilitari: quæ animaduertat, ciuitatem
(vt acutè etiam Aristoteles) non ex me-
dico & medico, sed ex agricola & me-
dico constare, id est, non omnes res ma-
nu, sed multò plures mente geri, mentem
autem à liberalibus disciplinis, sicut a-
spectum nostrum à continente aëre, lu-
men accipere: quæ consideret, homines

Prudentia
literata.

C. complu-

Iesuitarū
& pontifi-
ciorū pro-
felyti.

complures hoc lumine orbatos in tene-
bras, in superstitiones, in infinitam erro-
rum colluionem irruisse: quomodo ho-
die Indi & alij Iesuitarum & Papista-
rū lenocinio & veneficio infascinati ab
Idololatria inueterata ad Idololatriam
nouam, scilicet Papismū cōuersi, quem-
admodum in Repub. ac mutuis cōmer-
cijs specula fallacia, armillas æneas, tin-
tinnabula, crepitacula, aliasq; nugas le-
uiculas mercatorum nostrorum magno
cōemunt & in admiratione habēt: sic in
Ecclesia cruces, calices, vestes missales,
ramos palmarum, salis & aquæ crea-
turas exorcysmo Romanistarum incan-
tatas, cæremonias frigidissimas & ina-
nissimas opiniones spiritali & sincero
Dei cultui, videlicet carbones thesau-
ro, granum hordei gemmæ cum Æso-
pico gallo, ærea aureis cum Homericō
Glaucō, porcos & suillā superstitionem
Christo

Christo eiusq; castæ religioni cū Gerge-
sitis, alliū Ægyptiacū & vitulinos deos,
Mannæ cœlesti cum Israëlitis, impru-
dēter & impiē præferunt. Vera certè est
sapiētis vox Sapiētiae sexto, Rex sa-
piens populi stabilimentū est: & illa
contra non est falsa Ecclesiastici decimo,
Rex insapiens populū perdet. Quam-
obrē Augustissima Princeps, quòd tā cu-
pidè in Mineruæ cultu cōquiescis, quòd
Musas nostras amore cōplecteris, præsi-
dio tueris, præsentia sæpe ornas, quòd ex
his fontibus sapiētiam ipsamet hausi-
sti, & quotidie tuis propinas, quòd Aula
tua iam facta est **NOVA & TER-**
TIA Academia, quòd ex his Acade-
miarū spatijs populi duces nō paucos, ma-
los, nouos, indoctos, vt nouus quidā Cēsor
Angloduacensis in sua Censura nuper
finxit, sed multos, bonos, graues, eruditos
ad Ecclesiam administrandam euocas,

C.ij. quòd

quòd Oxoniam aut inuisis, aut propè ac-
cedis, quòd nuperrimè priuilegia &
immunitates nostras à Maioribus tuis
olim cōcessas, & iamdiu nostro malo pe-
nè sepultas ab obliuione & interitu vin-
dicasti, & Iudicibus quibusdam scien-
tissimis legum causam utrinq; examinā-
tibus, honoratissimis Consiliarijs astipu-
lantibus, ornatissimo Cancellario procu-
rante & intercedente, Regio diplomate
tuo, sempiterno & immortalī commodo
nostro, obsignasti, vnde firmior pax cum
oppidanis coalescit, & inter mortua pe-
nè studia Academicorum reuiuiscūt, &
artes alioqui succo hoc destitutæ quasi
nouo vere efflorescunt, profectò satis te-
statum facis & manifestum omnibus,
quàm magnificè de literis, de literatis, &
de nostra Academia sentias. Satis enim
nouerat prudentia tua, nisi Athletæ suū
Edior, cursores suum brabæum, nuncij
suum

suum *ministerium*, vectores sua naula, medici
suas aureas pilulas & soteria, Iurisperi-
riti suum honorem & manus inunctas
donarijs, milites sua stipendia, pugiles
suas coronas, altores sua Threpteria, do-
cti & doctores suum Minerual repor-
tent, horum omnium studia, industriam,
contentionem remitti & languescere.

Perge ILLVSTRISSIMA
REGINA in hanc curam & cogi-
tationem acri & attento animo incum-
bere, perge omnem auctoritatem tuam ad
conseruationem Scholarũ conferre: nec
audiendos putes illos Iulianos, qui lite-
ras extinguere, qui doctorum hominum cœ-
tus dissipari, & Academiarum statum
conuelli, & amœnissimas literarum se-
des rapacissimorum accipitrum prædam
& aucupium fieri cupiunt. Sed hi pauci
sunt, & ignari sunt, & planè nesciunt
in Academia virtutes conseri, barba-

Scholarum
cura Regi-
bus digna.

riem & immanitatem morum extirpa-
ri: hanc fuisse, esse, fore sacrarium reli-
gionis, seminarium Ethicæ & Politicæ
disciplinæ, Scholam militiæ, alumnam
pacis, magistram Aularum, arcem do-
ctrinarum, ex qua deliguntur præfecti
Ecclesiarum, qui religiones interpre-
tentur, qui rudem plebeculam quavis
Aspide surdiorem, quouis equo & mulo
(prôh dolor) inodoctiorem erudiant, in
qua flos nobilitatis succrescit, & gene-
rosæ spei iuuentus conformatur, ut sicut
agricolæ terram, sic omnes isti ingenia
sua meliùs excolant, & discant sua &
publica administrare prudentiùs.

2

Pax pia.

ALTERVM regni tui ornamen-
tum & diuinæ benedictionis certissimū
vestigium est Pax, quouis balsamo fra-
grantior, quouis rore dulcior, ut canit
Psalmographus, Pax quam Christus
nasciturus per Prophetas prædixit, na-
scens

scens per Angelos prædicavit, natus per
Apostolos domui sanctorum annuncia-
vit, moriens suis reliquit & commen-
davit: Non enim laudo pacem vel se-
curam, vel insidiosam, vel simulatam,
vel superstitiosam. Nouimus super-
stitionem rem esse ut pestilentem &
perniciosa, sic perfidiosa, & pacta
nonnullorum, cum libet & licet, non esse
pacta, ut Plautus loquitur, & hodie fi-
dem Romanam esse fidem Græcā, Pu-
nicam, Parthicam. De Papisticis fœ-
deribus & rythmicè & rectè dici potest,

Multa annis iam transactis,

Nulla fides est in pactis,

Mel in ore, verba lactis,

Sed in corde, frans in factis.

Cum istiusmodi hominibus fœdus facere
ac ferire, perindè est ac si inter lupos &
agnos societas coëat. Romanus Orator
homo togæ quàm sagi amantior dixit nō
pessimè, Iniquissimam pacem iustissimo
bello

bello antefero: sed multò fortiùs Orator
Græcus, Bellum honestum turpi paci
anteponendum est, & diuinitus ille no-
ster cognominatus Theologus, Præstat
laudabile bellum, quàm pax à Deo sepa-
rans. Atenim longè alia pax est de qua
loquor, diuina, non humana, Euangeli-
ca, non Pseudochristiana, qua nos Deus
per te beauit, vt sub ditione tua tanquã
in umbra placidè & piè conquiescamus,
& in communi hoc omnium propè vici-
norum & Christianorum incendio sum-
ma tranquillitate perfruamur. Non e-
nim in hac tota profectioe tua Aquilas
infestas, non signa militaria, non castra,
non hostes vidisti: sed pacificas velita-
tiones, gratulationes, comprecationes a-
micorum & ciuium tuorum audiisti.
Non lanceas sed ligones, non milites
sed messoros, non faces sed falces, non
arma bellica sed rustica instrumenta,
paci

pacis nimirum insignia, & felicitatis
 nostræ auguria aspexisti: vt euidentissi-
 mum signum esse videatur, & te clemē-
 ter regere, & ciues libenter parere, &
 te amare tuos, & tuos honorare te, & te
 & tuos à Deo diligere. O infinitā Christi
 misericordiam, qua sola in pace terræ
 bona comedimus, qua sola sine merito
 nostro ullo, sine sudore & sanguine no-
 stro in pace & viuimus & vincimus. O
 aureum non tantum Martiani impera-
 toris, de quo Nicephorus scripsit, sed
 etiam ELIZABETHÆ no-
 stræ sæculum. O beatam Rempub. quā-
 do expulsa furiosa Ate, & gratiarum ac
 beneuolentiæ conciliatricibus Litis re-
 gnantibus, Principes iustè imperant,
 subditi officiose obtemperant, vtriq; E-
 uangelium pacificè possidēt. Nam hoc
 demum Regium esse, & domi & foris
 paci studere, & moderatè agere, & a-

Ate dis-
 cordia, Li-
 ra concor-
 dia Dea a-
 pud Ho-
 mer.

Regū mo-
 deratio
 Magnes &
 moris.

D. more

more suos cōprehēdere, etiā ipsi Reges
et nobilissimi viri docebūt. Caesar rex ge-
nerosè, Parce ciuibus. Tiberius rex ho-
norificè, Aurum ex lachrymis proueniēs
adulterinū est. Solomō rex sapiēter, Qui
nares emūgit acrius, sāguinē elicit. The-
odosius rex piē, Vtinā et mortuos reuoca-
re possem. Martianus rex christianissi-
mē, Quādiu liceret in pace viuere, nō de-
ceret Principem arma sumere. Leo rex
Martiani successor optimē, Vtinā is es-
set status meorū tēporū, vt possē stipēdia
militū in literarū magistros cōferre. Sci-
pio egregiē, Malo vnū ciuē seruare, quā
mille hostes perdere. Catulus Syllae in
omnes sēuienti prudēter, Ergo quibuscū
viuimus, si & armatos in bello, & iner-
mes in pace iugulemus? Pericles mori-
turus grauitē, Neminē ciuē sua causa
nigrā vēstem induisse. Vtinā omnes alij
Christiani magistratus vel autoritate tot
Principum

Principū, vel exemplo vel suasu tuo, vel
naturæ suæ instinctu, vel afflictæ patriæ
intuitu, vel humanitatis causa, vel reli-
gionis ergò, gladios iam diu viscera suorū
cruentātes, in vomeres aut in alienos po-
tius cōuerterēt, pacē Christianā cōstitu-
erēt, Camerinas nō necessarias nō moue-
rent, non ampliūs tanquā Gygātes cælo
bellū indicerēt, & tandē aliquādo Chri-
stianis imò Christo, suis imò sibi parcerēt.

Gratulamur autem tibi (ILLV-
STRISSIMA REGINA)
moderatū & pacificū imperiū tuū, nobis
tranquillitatē nostrā, quos Deus nūc &
ab externis hostibus, & ab intestinis cō-
iurationibus tutos præstitit. Gratulamur
etiā ciuibus tuis flagrantissimū suū pa-
cis & concordie & obedientie studium.
Quos enim olim Heptarchia disiunxit,
nunc Monarchia coniunxit, quos antē
Rosa alba & rubra distraxit, nunc vna
Rosa consociat, quos dudū dispar religio

subditorū
obedientia
inimica
rebellioni
& Moti-
uis.

D.ij. diuisit,

diuifit, nunc vna fides conglutinat, & quos nuper Romana Bulla et transmarini libelli ad arma facile concitarunt, nunc, fpero, nulla Motiua à constantia, à pietate in Deum, in patriam, in Principem dimouebunt. Sic enim nouo, barbaro & inepto nomine nouus quidam Licentiatus Angloduacensis fcriptor libellum de Motiuis ad nos tranfmifit, quem potiùs flabellũ & Clafficũ fediti-
onis debuerat infcribere. Quibus Motiuis huc folum promouit, vt dum vaniffimis argumentis fuum Pseudocatholicifmum ftabilire, & immotam noſtræ Catholicæ Ecclefiæ fidem concutere ftudet, non Anglis fidem faciat, fed multis rifum moueat. Nōrunt iam Angli fapere, & de re ipfa, & de huiusmodi fcriptoribus iudicare. Dum enim nobis futilia & triuialia Motiua narrat de nomine hæreticorum, Proteftantium, Catho-

Catholicorū, à nomine ad rem crassè argumentans, dum fabulatur de ipsorum miraculis dogmaticis & personalibus, putà Thomæ Aquinatis, Thomæ Cātuariensis, Bonauenturæ, Bernardi, Francisci & Dominici, de ipsorum Ecclesiæ iudicio & praxi, de ipsorū doctrina, traditionibus, visionibus, de antiquitate, vniuersalitate, vnitatem, successione, de sedis Apostolicæ autoritate, de ipsorum cōcilijs, patribus, Martyribus, de ipsorū ritibus & ritualibus, quæ nos in liturgia nostra ceu ipsorum Simios imitari iactat, dum nostras leges, instituta Ecclesiarum, & nostram Academiam Oxoniensem matrem suam, & Cantabrigiensem sororem, vtramq̃ antiquissimam, optimis ingenijs & eruditissimis Theologis & Doctoribus, & omni Cyclopædiæ laude florentissimam infectatur, Duacensem scholam nouam, suos scholarchas, suos

D. iij. scilicet

scilicet Catholicos professores, suas
Quodlibeticas & Scoticas disputationes
ineptè præferens, an non statim sentiunt
Angli istum Motorem magnas nugas
magno hiatu promittere? An non statim
illis venit in mentem illud Poëtæ,

Laudat venales, qui vult extrudere merces?

Et tamen norunt Angli nauem, quæ has
merces per transennam quasi ostentat,
nō verè ostendere & easdem exhibere.
Norunt olim nauem fuisse, magnifico
titulo ἐνπλοίαρ, πρόνοιαρ σώζουσα, καὶ διασπύαρ,
secundam nauigationem, prouidentiam
salutarem, & sanitatem præseferentē,
quæ tamen proculdubio fluctibus iactata
fuit, & in syrtes ac scopulos impegit: &
nauem Tharsis non semper aurū & ar-
gentum in Iudæam, sed interdum pauo-
nes & simias aduexisse. Norunt non
omnes istiusmodi negotiatores Ecclesia-
sticos, qui cælum mutant & trans mare
currunt

currunt ad exterarum Academias, semper
redire meliores, sed quomodo Menen-
demus dicebat, quosdam Athenas nau-
gasse primò sapientes, tū sapientiæ stu-
diosos, dein Rhetores, post idiotas eua-
sisse. Norunt quosdā Pharisaismi ze-
lo infectos terra mariq; circūire quo fiant
profelyti & gehennæ filij. Norunt cos
qui videntur aliquid, nihil esse, Taurū
vocē bouis imitari, & tamen nihil aliud
esse quā Taurū, id est, auiculā. De his
Motiuis & motoribus pronūciabunt
ex Iobo: Vidi arantes vanitatē, & semi-
nantes laborē, & idipsū solū messuerūt.
Norunt iam Angli vel suo vel aliorum
malo edocti, nec Motiuis credēdū, nec
prece, nec pretio ab officio in Principem
discedēdū. Norūt Regnū dissidēs nullo
negotio expugnari, omne bellū ciuile esse
mutuā lanienam & Cadmeā victoriam,
vbi pars utraq; infinitis calamitatibus
implicita

implicita pereat, ubi Martis tempe-
stas omnes opprimat, ubi in vna Repub.
tanquam vna in naui simul omnes nau-
fragium faciant. Recordari possunt,
turbam sine legitimo capite esse corpus
sine spiritu, exercitum ceruorum sine
duce Leone, consilia nefaria domesticis
tumultibus & dissidijs Rempub. lace-
rantium, ipsis consultoribus cessisse pesti-
mè. Nec Dathan, Core, Abiram con-
tra Moysen murmurantes, nec sediti-
osos contra Rufum, nec illos rebelles
contra Richardum secundum, nec alios
contra Edouardum quartum, nec istos
contra Henricum septimum, Henricum
octauum, eiusq[ue] filium Edouardum sex-
tum, nec nostros nuperrimè cōtra Tuam
Maiestatem conspirantes, impunè e-
uasisse. Didicerunt iam, nisi fallor, mi-
serum esse in Repub. ciues vt in arena
gladiatores viuere: & seditionem tan-
quam

quam Cancrum ad totius corporis inte-
ritum repentina contagione permanare,
concordes & constanti amoris vinculo
colligatos tãquã fasciculũ agrẽ, discor-
des tanquã virgulas singulas & solutas
(vt Scylurus rex filios docuit) facile
diffringi, inuidiam inferiorũ ceu fumũ
summa petere, & superiores arrodere,
sed ad extremum paulatim euanescere.
Intelligunt fideles ciues vel ex Solomo-
ne, Oculum qui patrem subsannat, &
matris doctrinam contemnit coruos eru-
ere, & Aquilæ pullos deuorare. Multò
ergo magis, qui fidẽ Deo patri & Rei-
pub. matri datam abiurant, qui Princi-
pem parentem patriæ concidere & tol-
lere conantur, eos non solũ in hanc o-
culorum effossionem, sed in sempiterni
dedecoris labem, & in æterni numinis
offensionem incurrere. Hæc nouisse salus
est subditis. Hanc pacem ò si Deus velit
E. esse

esse perpetuam. O si Reginā faciat pacis
quasi angelū & ^{ἐκπαινετοῖον}, ut tā hīc quā
alibi inter Christianos Christiana con-
cordia Diuino imperio & verbo, ipsius
ope & ministerio sanciatur.

3
Religio re-
sta.

GRATVLATIONIS vlti-
ma & maxima causa est pietatis studi-
um & propagatio. In religionis cura &
cultu omnis Regum dignitas, omnis sa-
lus subditorū, omnes priuatae & publi-
cae cōmoditates vertuntur. Qui purae re-
ligionis opibus septi & vallati non sunt,
in quorū mente verus Dei timor non cō-
sedit, horū omnis vita curis, fides errori-
bus, conscientia terroribus perturbatur,
horū animi dies ac noctes exhorrescūt, hi
Satanæ terribilamētis quasi furiarū tæ-
dis ardētibus exagitātur. Quid verò ad
Dei gloriā splēdidius, ad honoris Regij
amplitudinē illustrius, ad publicā ciuiū
incolumitatem vtilius esse potest, quā

Religionis
propagatio
pertinet ad
principes.

RE

1
REGINAM esse et dici seruā religionis, filiā Saræ, matrē Israël, ancillā Domini, nutricē Ecclesiæ? quā religionē cōstituere, quā semina pietatis subditorum animis inserere, quā superstitionis fibras omnes resecare? Religio viget? Florescit Respub. Religio friget? Regnū euertitur: quisq; cœlesti itinere relicto, per anfractus et præcipitia nouas vias quæritat. Iobus ait, Ecce sola pietas est sapientia: & Solomō, Artus & nerui, imò caput & initiū sapiētiae, timor Domini, nempe pietas: Et Antonius in Melissa, Sola pietas stabile ac firmū bonū est. Et ibidē, Tres pij in nomine Dei cōgregati multis Deū negantibus antecellūt. Hoc perspexerūt Solomon, Ezechias, Asa, Iosaphat, Iosias & alij, qui tū gratia apud suos & gloria apud omnes circūfluebāt, cū exemplo Davidis Deū patrū suorū toto pectore quærerēt. Hoc expertus est

E.ij.

Constan-

Theodor.
lib. j.

Tom. j.
Act. j.

Constantius, Hoc agnoscunt Theodosius
& Valentinianus in Concilio Chalced.
cum inquit, Constat omnibus nostræ
Reipub. statum & omnia humana di-
vina pietate gubernari & firmari. Hoc
fuit Pulcheria & virgo, & sub Theo-
dosio fratre parvulo imperatrix, de cuius
pia gubernatione Ecclesiastica historia
sic prodidit, Mibi sanè videtur Deum
ostendere, solam pietatem imperatoribus
ad salutem sufficere, sine hac robur im-
perij, copias, opes, reliquum apparatus
nihil valere. Quod Valeriani imperato-
ris auspicia lata, exitus infelix demon-
strant, cuius Domus & Aula primo Ec-
clesia fuit, post Ægyptiacorum Mago-
rum insurrectione dementatus, Idolola-
tria & Christianorū persecutor factus,
à Persis captus in turpissima senectute
cōsenescēs obiit. Huius religionis procu-
ratio nō tam plebeciorum angustas mētes
incessit,

incessit, quàm ad Principes alto & heroico spiritu præditos spectat, quorū interest subditos religiosos præmijs, refractarios pœnis in hoc pietatis officio continere, vt disciplina seruetur, virtus honoretur, licentia comprimatur. Pulchrè Antisthenes, illam Rempub. ad interitum prolabi, vbi inter bonos & malos nullum discrimen ponitur. Itaq; (ELIZABETHA Princeps) illud in laude vel maximè ponendum est, quòd & aliàs & nunc velut Vlysses in peragratiōe tua multorum mores videns & vrbes, ab ouibus lupos ululatu vel actu, à Leone asinum auriculis prominentibus potueris & volueris discernere, quantumuis lupi multi, vt Ignatius scripsit, vellere assumpto, oues simulent, quantumuis asinus Leonis exunio aliquando se venditarit.

Quò autem hanc religionis curam suscipias

E. iij.

scipias alacrius, & Dei nostri causam
 animosius propugnes, ecce (NOBIL-
 LISSIMA REGINA) una
 cum hoc Oxoniensi & leuidenti munus-
 culo porrigimus in manus hunc gladium
 spiritus, hunc librum vitæ, hunc sacrum
 veteris & noui Testamenti codicem, no-
 strarum voluntatum erga Maiestatem
 tuam qualemcunq̃ indicem, & omnium
 de hac religione controuersiarum iudi-
 cem, cuius veritas inuicta est, quam nec
 Pharaonis fornax aut lateres, nec Pha-
 laridis taurus, nec Roboami scorpiones,
 nec Antiochi tormenta, nec ullæ homi-
 num minæ aut manus, nec ipsæ infero-
 rum portæ poterunt labefactare: quam
 qui oppugnare ausi sunt, hos Dominus
 & minutis & misellis vermiculis, pedi-
 culis, pulicibus, culicibus, locustis ca-
 stigandos & cicurandos tradidit. Hic li-
 ber docet illū ipsum Deum, qui Saulum
 ab

ab asinis ad Regnum, Davidem ab o-
uibus ad sceptrum, Daniele in lacu
leonum ad principatum euexit, qui
Iaëlis foeminae malleo Sisaram ducem,
asini maxilla mille viros, aratri vo-
mere Philistinos, Davidis funda Go-
liathum interfecit, qui pro Debora stel-
lis è caelo pugnavit, adhuc in caelo regna-
re, ut te (DEBORACHRI-
STIANISSIMA) & Reges
& Reginas omnes puritatem doctri-
nae in hoc libro consignatae asserentes
protegat, ut quotidie cornua Roma-
nae Bestiae excindat, & hostes sibi
tanquam scabellum pedum suorum sub-
ijciat, & per infirma organa altitudi-
nem humanarum molitionum deijciat,
sicut verissimè dicitur. Potentes potèter
tormenta patiuntur, & fulmen petit cul-
mè, & in macello venduntur pinguiSSimae
victimae.

victimæ. Hic liber nostræ Vniuersitatis
insignia continet, septem sigillis commu-
nitus: quem Leo de tribu Iudæ & A-
gnus in throno sedens qui habet clauem
Davidis, solus aperire potest: & aperit,
& nemo claudit, & claudit, & nemo
aperit. Forma non valdè elegans, vt vo-
luimus & vt debuimus, sed vt in hoc
tempore potuimus: materia intus omni
auro præstantior est, omni topazio om-
nibusq; margaritis pretiosior. Sententiæ
quæ adscribuntur, symbola sunt Aca-
demie, vna, In principio erat verbum,
& verbum erat apud Deum, Altera,
Dominus illuminatio mea & salus
mea, quem timebo. Tertia,
Bonitas regnabit,
Veritas liberabit,
Sicuti in libris Oxoniæ in vico sancti Io-
hannis quoddam impressis vidimus. Hæc
cum argumento nostro conueniunt: Hæc
demum

demum huc tendunt, ut nos hunc librum
tibi, tu commendes tuis, ut tuis auspicijs
Angli tui ex hoc verbo magis ac magis
confirmentur, hoc verbo Hiberni sylue-
stres edomentur, hoc verbo omnes à vera
religione auersi conuertantur. Est enim
verbi huius quàm ancipitis gladij acies
penetrantior, ad animæ & spiritus, cõ-
pagum & medullarum diuisionem per-
tingens. Hunc librum cum in Hyberni-
cæ Ecclesiæ muro quodam Richardus
Armachanus aliquandò occultasset, hoc
insigne dictum scripsit, Cùm hic liber
inuentus fuerit, veritas mundo ma-
nifestabitur, & Christus orbi appa-
rebit. Hoc verò Testamentum anno
Domini. 1530. repertum fuisse Chronica
nostra testantur, & fœlicissimum huius
prognostici euentum Ecclesiæ reforma-
tæ facies vbique locorum euidentissimè
declarat. Quod ut deinceps in singulos
F. dies

dies fiat vberiore Christianorum fructu
& foetu, Deum Opt. Max. precamur.

Summa est, Maiestatem tuam roga-
mus & hortamur (SERENISSI-
MA REGINA) librum hunc
tanquam Dei depositum in animo repo-
ne, serua vt te seruet, causam hanc reli-
gionis, vt facis, defende: sic fiet, vt in hoc
studio verae prudentiae, Christianae pacis,
purae religionis magis ac magis proficias:
sic fiet, quod in versu dicitur,

Tandem bona causa triumphat.

Sic fiet, quod in Symbolo Oxoniensi po-
nitur,

BONITAS REGNABIT,

VERITAS LIBERABIT:

Sic Deus erit Ecclesiae nostrae quasi pu-
pillae oculi sui peruigil custos, sui Israëlis
currus equitatus et propugnaculum, suae
Hierusalem murus cētuplex & igneus.
Rogamus etiam quia opis nostrae nō est
dare

dare aut meritis aut MAIESTA-
TE TVA digna, ut dantium vo-
luntates, quæ sunt optimæ, non faculta-
tes, quæ sunt minimæ, respicias. Roga-
mus ad extremum Deum cæli ac terræ
Monarcham, qui totum hunc tuum
progressum fœlicem, & ex lōginquo iti-
nere regressum in has oras nostras fœli-
ciorem esse voluit, idem egressum ex hac
peregrinatione & vita tardum sed fœ-
licissimum concedat, ut viuas & regnes
quandiu voles, voles quandiu posses,
posses autem ad naturæ tuæ satietatem,
ad corporis sanitatem, ad animæ
salutem, ad Reipub. securita-
tem, ad Ecclesiæ utilita-
tem, ad Diuini no-
minis gloriam.
Amen.

F.ij.

ONVS SEV PRO- phetia Romæ.

L. H.



Roma superba licet, iudex vindexq̃ piorum,
At Christi Domini discito iudicium.
Dura licet, ferrum si sis, mollescito verbis:
Si lapis & saxum, frangere Roma tamen.
Audi Sadoma Princeps, Gomorrhag, tota,
Quisquis Romano de grege, quisquis eris:

Audi surda, & cæca tuas spectato ruinas,
Hoc lege, quod pereas: aut sape, ne pereas.

Gens inimica Deo, Christo, verboq̃ p̃p̃q̃,
Summi perrumpens septa verenda Dei,
Gens idola colens, quæ viuo fonte relicto
Cisternas quarit pestiferosq̃ lacus.

Sentiet vlticem Diuini Numinis iram,
Hanc Deus excindet, non patet effugium.

Roma, Deos multos fingis, noua dogmata cudas,
Et fines positos cælitus egrederis,
Roma, parium castè supremum Numen adoras,
In cælo & terra tot tibi constituens.

Missæ tibi Deus est, & Papa, & Diuus, & Icon,

Reliquia, & cur non perfida Roma ruas?

Roma ruas, quondam vera pietatis asylum,

Musarum portus perfugiumq̃ choro:

Roma vetus quondam multorum vecta per ora,

Quam celebri Paulus predicat elogio:

Nunc scelerum sedes, nunc nunc erroris & antrū,

Degener ab nimium Roma scelestæ ruas.

Roma ruas, virgo quondam, purissima virgo,

1. Argument.
Apostasia in
fide.

Maior.

Minor.

Conclusio.

Cuim

Cuius casta fides, integra religio,
 Intemerata thoro, chalamus non cognita multis,
 Vni sed sponso sponsa dicata Deo:
 Impia nunc Christo Domino diuortia scribens,
 Ac effrons meretrix, perfida Roma, rues.
 Roma rues, mundi lux olim, stellaq; terra:
 Nunc tenebrae, ac alto stella caduca polo.
 Cuius ad astra decus quondam sublime volabat,
 Corruit, ac terra est Tartarus Italia.
 Roma caput mundi, iam toto vertice calua,
 Capta tuis membris Roma misella rues.
 Ille cruore perit, qui fundis, Roma, cruorem:
 Sanguine qui gaudet, sanguinolentus obit.
 Ut lupus agnellum sequitur, Cainus Abelum,
 Ut Iacobum Esau, legitimosq; nothi:
 Sanguine tu fundata, pio nunc sanguine crescis:
 Ergo concludam, Roma cruenta rues.
 Roma tumes, quondam victrici turgida lauro,
 Antiquis spolijs fœta feraxq; tuus:
 Inq; deauratis circumgestata quadrigis,
 Et satrapis mundi principibusq; praes.
 Calcandus fastus, frangenda superbia: cedrus
 Alta ruit, sic tu Roma superba rues.
 Roma rues, mercesq; tua, thesaurus & ingens:
 Gemmas & coccum, thuraq; nullus emet.
 Et peris & perdes, occidis & occidis ipsa,
 Idq; malo merito vipera senu tuo.
 Roma rues, regnumq; tuum: vanescet & aurum,
 Nomen, apex, sceptrum, fulmina, mitra, thronus.
 Gens se prostituens, facibusq; libidinis ardens
 Sancto sanctorum non placet, illa ruet.
 Roma dies clara est: tua iam spelunca relecta est,
 Occulti coitus, fraudq; Venusq; patent.
 Roma tuas labe & fœdas aspice sordes:
 Vitaq; nota alijs sit quoq; nota tibi.

2. Carnificina
 Sanctorum,
 Maior.

Minor.
 Conclusio.
 3. Fastus.
 Minor.

Maior.

Conclusio.

Maior.

Minor.

4. Cupido &
 Venus.

F.ij.

LUX

Lux Euangelij turpissima lustra reuelat,
Ostenditq; tui facta nefanda gregis.
Illa tuam nouit Camarinam, notaq; fœter,
Pandora Latia pyxii aperta volat.
Illa tuos cæcos vidit, proditq; recessus,
Furtiuos reteggit, Roma petulca, choros.
Iulam lustrauit, rimas perspexit & omnes,
Ingreditur lectos, concubitusq; tuos.
Secretum nihil est, tenebrosa cubilia pandit:
Nox nihil inuoluet, nulla latebra teget.

Conclusio. Ah cur Roma rues? prudensq; vidensq; peribus?
Ah cur fronte tibi tu paris exitium?

Exhortatio ad resipiscentiam. Ergo Roma redi, veteres ah desere amores,
Impia, crudelis, fœda, superba redi.
Nunc vocat & renocat pansis Deus optimus alius,
Sanctam flens urbem te cupit esse suam.
Roma quidem p̄p̄m dicta est, sed nomine verso,
Dici Roma potest improbitatis amor.
Ah pigeat, pudeat: mores cum nomine muta:
Roma veni, ad Dominum vertere, Roma veni.
Si nil frontis habet meretrix, si stercora nolis
Scire sciens: cogor dicere, Roma rues.

FINIS.

